



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

LXXVI. Das Domstift beurkundet die Stiftung eines Altares durch den
Domherrn Friedrich von Metzdorf, am 1 Jan. 1306.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

peragetur, vtpote pro nostris fratribus vniuersis. Residuam autem dimidietatem dicti chori nobis contulit pro se ipso et vxore nunc Swonehilde: et quando ipsos contigerit in domino feliciter obdormire, eorum memorie et anniuersarii, cum occurrerint, debent nobiscum in diuinis sollempniter celebrari. Nos igitur prefati Jordani fidem et merita, quam circa nostram gessit Ecclesiam, intuentes, eciam quod fides suos cultores dignis semper debeat honorare preconis, sepeditum Jordanum in nostre Confratrem recipimus Ecclesie cum vxoribus memoratis, Largientes eisdem participacionem omnium bonorum, que per Nos nostrosque Confratres vniuersos operari dignabitur clementia saluatoris. Ad removendam autem omnem calumpniam, quam circa ipsam donacionem futuris possit temporibus suboriri, presentes litteras exinde conscribi et sigillo nostri Capituli fecimus communiri. Actum et datum Anno domini M^o. CCC^o. III^o. In die Purificacionis virginis gloriose, Presentibus domino Martino Decano, Domino bertoldo preposito Stolpeni, Domino Zacharia, Domino frederico de Medestorpe Domino Conrado de Haffia et ceteris pluribus fide dignis.

LXXV. Bischof Albert von Halberstadt beruft den Johann Pozlau zu der dritten sich in Domstifte erledigenden Präbende, am 17. Nov. 1304.

Albertus, dei gracia halberstadenſis ecclesie Episcopus, dilecto filio Johanni Pozlau clerico salutem in filio virginis gloriose. Cum ex officii nostri debito, clamore populari excitati, ad obuiandum scandalo electiones plurimas ad vacaturas minus prouide et contra ius in ecclesia Stendaliensi factas, iurisperitorum consilio requisito, cassauerimus imo cassas et irritas nunciauerimus, volentes dicte ecclesie de ministris ydoneis et competentibus, ipsius Ecclesie decani et Capituli consilio ad hoc adhibito plenarie et assensu, prout expedit, prouidere, Tue igitur persone circumstanciis consideratis, quia per nos vita, conuersacione, litteratura aliisque meritis ad optinendum Ecclesiasticum beneficium ydoneus es repertus, tibi, dilecte fili, in Ecclesia Stendaliensi predicta Titulum tertium et prebendam tercio vacaturam auctoritate apostolica et potestate, nobis a decano eiusdemque Ecclesie capitulo predictis specialiter ad hoc tradita et concessa, pure et libere conferimus propter deum, inuestientes te per nostrum annulum de eadem, super quo nostro appenso sigillo presentibus te munimus. Datum Halberstad, Anno domini M^o. CCC^o. III^o, V^o. kal. Decembris, Pontificatus nostri anno primo.

LXXVI. Das Domstift beurkundet die Stiftung eines Altars durch den Domherrn Friedrich von Mehdorf, am 1. Jan. 1306.

In nomine domini amen. Meynardus dei gratia prepositus ac Martinus eadem gratia Decanus totumque Capitulum ecclesie sancti Nicholai in Stendal vniuersis christi fidelibus tam presentibus quam futuris, ad quos presens scriptum peruenerit, in perpetuum. Cum omnium habere memoriam etc. — Hinc est quod tenore presentium publice protestamur, Quod cum vir Discretus Dominus fredericus de Metztorp, quondam noster Concanonicus, felicitis Recordationis et memorie, in vltima sua voluntate se sentiens moriturum, ad constructionem seu fundationem cuiusdam altaris in nostro conuentu quandam summam pecunie deputaret, videlicet Sexaginta marcas argenti Brandenburgensis et eiusdem ponderis, Nos de assensu Suorum Testatorum virorum discretorum, vtpote domini petri nostri plebani et domini alberti nostri vicarii et domini hinrici de Sancto Spiritu ac aliorum fide

dignorum, maturo consilio hoc argentum nobis vendicauimus, Ipsum nostris vñibus conuertentes. Pro eodem argento donauimus et assignauimus Sex choros Tres Siliginis et Tres ordeï in villa et proprietate nostra Rokem sitos. Ibidem enim Johannes vocatus Rokez de duobus mansis et post eum sui heredes dabunt quolibet anno in festo Martini chorum et dimidium Siliginis et chorum et dimidium ordeï, Item Arnoldus quidam in eadem villa in eodem termino et post eum sui heredes de duobus mansis dabunt chorum et dimidium ordeï, Item Arnoldus quidam in eadem villa in eodem termino et post eum sui heredes de duobus mansis dabunt chorum et dimidium Siliginis et chorum et dimidium ordeï ad predictum altare liberaliter et perpetuo, a dicti altaris vicario, qui pro tempore fuerit, pacifice possidendos. Si vero predictus vicarius predicti altaris in solutione predictorum chororum in festo Santi Martini fuerit casualiter prepeditus, Extunc noster tunc celerarius aut eius Nuncius, Si opus est, Sicut alios nostros Redditus, per ablationem pignoris extorquebit dictos choros. Addicimus etiam, quod Subditi predictorum chororum prefati et eorum successores, qui eos soluent annuatim, nichilominus manebunt sub protectione nostra et nostre Ecclesie, Ita quod eos tuebimur et fouebimus in eorum necessitatibus fide tota: preterea idem vicarius qualibet Secunda feria et quarta feria dicet Missam pro defunctis, nisi in festis. Aliis vero in Septimana diebus prout Sibi ex deuotione occurrerit dicet missam. Attamen si plebanus nostre Ecclesie eum Rogauerit necessitate ingruente Missam, vbi plebano placuerit et parrochie conuenit Missam beniuole celebrabit. Et hic vicarius ex iussu plebani nostri confessionem audiet oportuno tempore, Sicut in aduentu domini et in Quadragesima et Rogatus sine contradictione Jura parochialia exercebit. Ceterum obuentiones et oblationes ad predictum altare quocumque modo prouenientes sine omni diminutione plebano et dominis integre presentabit. Item idem vicarius Cameram seu dormitorium vicariorum et chorum sicut alii more solito deuotius obseruabit. Et nos predictum altare Semper, cum vacare continget, liberaliter conferemus. In huius euentiam prefens damus scriptum Sigillo nostri capituli Roboratum. Huius rei Sunt Testes Bertholdus prepositus Stolpensis, dominus zacharias, dominus Johannes plebanus Sancte marie, dominus Johannes de vincelberge, Magister woltherus, hinricus plebanus Sancti Jacobi, Clerici, Thylemannus et Nicholaus fratres de Scadewachten et Radolphus Ecclesie vitricus Lagyci et quam plures alii fide digui. Actum et datum in Stendal, anno domini M°. CCC°. VI°. in die Circumcisionis domini, per manus predicti domini zacharias.

LXXVII. Schiedspruch wegen des Rangverhältnisses der Domherrn, vom 26. März 1306.

In nomine domini Amen. Nos Martinus, Stendalensis Ecclesie Decanus, Electus arbiter seu arbitrator in causa et controuersia que vertitur et vertebatur inter discretos viros dominum Zachariam ex parte vna et dominum Johannem de vincelberge ex parte altera, stendalensis ecclesie Canonicos, videlicet de stallo in choro et quis alium precedere debeat Legendo et Contando vt canonicus, et in processionibus precedendo, In premissis et singulis premissorum de plano sine strepitu iudicii et figura examinare, cognoscere, partes ad audiendum sententiam seu preceptum conuocare, pronuntiare et diffinire, prout nobis consciencia dictauerit Secundum consilium sapientum. Auditis igitur et intellectis et examinatis parcium iuribus, deliberacione prehabita diligenti, pro bono pacis et concordie, ex vigore compromissi predicti, christi nomine iuuocato, Laudamus, ordinamus, arbitramur, diffinimus, dicimus atque precipimus, quod dominus Zacharias predictum dominum Johannem debeat precedere in processionibus vt canonicus, Legendo et cantando. Quum autem inter predictos contro-